



## 25 godina zajedničkog rada i uspjeha

Poštovane džematlije, braćo i sestre!  
Esselamu alejkum!

Uz Takvim i ramazanski materijal, u ovom pismu šaljem Vam i kratki pregled nekih džematskih aktivnosti u prethodnoj 2025. godini.

U novembru mjesecu organizirali smo svečanost u povodu obilježavanja 25. godišnjice Džemata. Jednim, zaista, impozantnim programom na Sundspärli, uz eminentne goste iz Islamske zajednice te kulturnog i društvenog miljea, prisjetili smo se našeg dosadašnjeg puta, rezultata i uspjeha.

Ovaj Jubilej bio je podsjetnik na stotine i hiljade različitih džematskih aktivnosti koje smo zajedno realizirali u proteklih 25 godina. Bio je to četvrt stoljeća u kojem smo, sa velikom ljubavlju i daleko od svoje Domovine, čuvali vrijednosti vjere, jezika, tradicije, identiteta.

Godinu 2025. završili smo sa 846 članova Džemata. Koristimo ovu priliku da Vas podsjetimo da svako ko napuni 18 godina može biti član Džemata, bez obzira na trenutne mjesečne prihode.

U mektebu smo imali upisanih 107 djece, a pored mektebske nastave subotom za djecu smo organizirali i ljetne i zimske izlete. Ramazan je bio ispunjen različitim aktivnostima, među kojima izdvajamo džematski iftar na kojem je bilo prisutno oko 300 osoba, zatim zajednički bajram namaz u dvorani Dröttninghög škole, te podjelu oko 150 bajramskih paketića djeci. U ramazanu omogućili smo stipendiju i praksu jednom studentu kojeg smo ugostili u našem Džematu.

U vakufskom fondu - za kupovinu vlastitog objekta - trenutno imamo 4.200.000 SEK. Svakako, ovaj projekat je naš najveći imperativ i zadatak na kojem još aktivnije moramo raditi u budućnosti.

Pored mekteba, organizirali smo i druge redovne vjerske aktivnosti - džume, dženaze, savjetovanja, dove u različitim prilikama i islamsko/građanska vjenčanja. Nastavili smo saradnju sa Kriminalvårdenom pružajući islamsku duhovnu podršku i brigu. Po potrebi, posjećivali smo naše ljude u bolnici i staračkim domovima. Izdvajamo i saradnju sa Grupom za Međureligijski dijalog. Organizirali smo povremena druženje i predavanja. Učestvovali smo u podršci različim edukativnim, humanitarnim te društveno korisnim kulturnim i sportskim projektima.

Naravno, kompletan izvještaj o radu i ekonomiji za prošlu godinu bit će Vam dostupan prije Skupštine na našoj stranici, ali i u prostorijama Džemata.

### **REDOVNA GODIŠNJA SKUPŠTINA 2026.**

održat će se u nedjeju, 29. marta 2026. godine u 13.30h.

Ovim putem pozivamo sve Vas koji se želite aktivnije angažovati u radu Džemata ili na projektu traženja novog lokala - da nam se javite. Dobro ste došli da svojim idejama i radom obogatite aktivnosti Džemata.

Na kraju, koristimo ovu priliku da se još jednom zahvalimo svima Vama na doprinosu našoj zajedničkoj i uspješnoj priči koja se Džemat zove.

Današnje društvene, socijalne, ekonomske, geopolitičke prilike oko nas predstavljaju izazov svima nama. Zato je važno da negujemo sve one vrijednosti koje nas čine dobrim muslimanima, ali i ljudima koji doprinose miru, humanosti, optimizmu, saradnji i boljem društvu u kojem živimo.

*Mahsuz selam,  
Džematski odbor*

*Januar 2026.*

